

臨安紀事

丁

煒

內屬會聞紀漢年 昫町風物甲全滇 地經戰伐仍

千戶人沐詩書憶二賢

明王景常韓宜可 諱此文教始開

赤仄舊

通交阻賦

交人所用亦 皆中國制錢

烏蠻新罷保頭錢

魯魁野

彝橫索村民名保頭錢

清和氣候鄉關似早愛荔

枝鶴頂鮮

臨安懷古次吳克庵先生韻

丁

煒

晴窻向曉署樓開 城市蒼涼入望哀 懷遠侯歸存舊裔

讀書人去剩荒臺 雲蒸交嶺驅寒去 雨過元江挾

建水州志

卷之十一

藝文詩

一

瘴來十萬同時埋 義骨傷心廢壘謾徘徊

雲龍山真武宮

馬蹄蹀躞遶青郊 傑構新看闢草茆 絳闕平臨天北

極丹樓高瞰日南 郊山深地隱龍蛇 氣松老雲封

鶴鵲巢安得栖 真同羽客簑瓢長 此桂林稍

訪雲峯周居士於南山絕頂

張愚安

花落花開歲次頻 襟懷常蘊太和春 心存出世非

充隱士志在高山慕古人 月挂巖頭行可掬雲鋪

足底座堪親 幽栖自是塵踪少 笑我窠頭亦開



其二

羣山環繞勢如奔絕頂遙看紫翠翻呼吸可能通  
帝座憑虛直欲問真源安心常在那伽定遇境隨  
離幻妄根除却采薪蕪汲水更無一事可相論

過舊諸葛廟感懷

葉 涑

萬古天威凜不移行人指點認荒祠寒泉尙集轆  
轡轉舊額猶深父老思草面諸蠻空恃險攻心一  
語自堪師巍峩劍佩今仍在香火年年溷紙帷

武侯祠

建水縣志

卷之十一

藝文詩

二

有淚長揮兩出師今來新拜武侯祠溪同瀘水長  
駢日地接龍山穩臥時舊壘荒蕪雲日護神威擒  
縱草何知風流千古思名士酌酒須吟梁父詞

登指林寺準提閣

誰指荒林見一燈宋元住蹟此堪凭香花佛國無  
今古烟火人家感廢興曲磴草深忘逐鹿垂簷雲  
起過飛鷹相傳更有靈禽異幻跡無從問任僧

登萬明寺

本集不載

市鹿吹不上禪關近數河流遠數山天外飛鴻真



散漫寰中鬧蟻劇艱難漁樵歌答欣相和晚近思  
侵卽痛刪好景爭酬無點俗未逢僧話也閉閤

塲後遊雲龍諸寺

尤有爲

杏係護瑣

數載名心愧未忘一從蘭若叩空王泉聲靜聽清  
如磬山色晴看錦入囊採藥人歸黃葉路習禪僧  
住白雲房能如惠遠真相得卽許淵明醉不妨

將臺遺址

蕭大成

百蠻烽火靖高臺二伯芳名望轉灰碧草春郊埋  
舊蹟青燐夜雨照城隈南人自昔知不反漢土何  
勞再築堆應是太平緣有道翻從剩壘弔雄才

建水州志

卷之三

藝文詩

三

金剛嶺道中

長江一線走迷蒙曲磴削巖宛轉通旭日纔高天  
傍午石田春柞樹燒空饑寒道路偏成瘴血汗棉  
茶盡屬公南望交州勞顧指亂峯如薺隱叢叢

遊李仙洞

張端亮

鶴飛何處杳難求爲訪遺踪半日留石室無端封  
紫蘚柴門依舊枕寒流林梢果熟柑三寸竹裏茶  
香雪一甌悵望聞將鷄犬去路人空指是丹邱



巖洞

黃肇會

蒼崖碧嶠鬱氤氳  
有山靈護洞門  
露滴天漿晴  
亦雨炬傳星  
灑書常昏  
泐流暗咽  
魚龍懶怪石斜  
多虎豹蹲  
幾欲摩巖留  
姓字墨蹤  
常恐漉雲痕

武侯祠

四壁丹青列陣圖  
分明王佐大規模  
相依魚水三  
千里肯戀耕桑  
八百株畫棟不雕  
留淡泊遺容宛  
在識真儒  
吳宮魏寢皆榛莽  
得似祠前古柏無

表忠祠

建水州志

卷之三

藝文詩

四

誓師南去瘴雲屯  
恨不生還報至尊  
望祀蘋蘩憐  
異代陳情烏鳥託  
孤蓀風吹碧瓦歎  
殘月草點流  
螢亂及昏維有嶼  
山青眼在相看華  
表慰征魂

古甸龍潭

刑世瞻

千山曲抱小亭幽  
萬斛明珠落井疇  
竹窓應邀丹  
鳳宿潭深自有老  
龍遊風回綠野香  
生稻人坐青  
林月滿樓幾許塵  
囂都不染心清欲  
共水清流

郡學泮池

拔貢

許書屏

石屏人

活潑源頭一鑑泓  
分來洙泗煥文明  
影垂遠岫



層翠紋皺澄波細細生曉日光騰芹藻潤春風嘯  
折李桃榮漫云觀海難爲水無數蛟龍奮太清

五言排律

冬仲十五夜泛月泮池

廖大亨

靜池澄素練夜魄發寒光子月泉心動葭灰春意  
藏晚煙飛市細淡影墮山蒼印渚珠脚蚌文星唇  
吐居空中樓上下水面樹低昂艘駕北魚目箏撈  
落鴈行燈螢紅趁月觴雀碧欺霜香霧沾衣濕波  
星逐掉忙仙槎探宿海赤壁醉江黃抱兒壺中轉  
建水州志

卷之三 藝文詩

五

騎鯨天上狂曲仍彈水調聲亦繞河梁欲訪支機  
石來維青省筋子猷乘夜興元禮竝仙航醉逐魚  
龍舞纜牽符藻香宿飛鳥烏鵲睡起錦鴛鴦閣擁  
青嫖女屏倚粉面朗天山晴雪曉仙客羽衣涼沆  
瀣金盤露崑崙白水漿劇談星欲落刻燭夜偏長  
漱澗人如玉淋漓醉是鄉

過虎谿十韻

曾旭

信屬臨陽塹蠶叢一徑懸銅牛不到處金馬未通  
前樹密晴猶雨谷深霧似烟鳥啼山寂寂鶻落草



芊芊捫蘿難尋路扶雲易上天空巖傳客響枯木  
人僧禪遇石頻呼丈逢人疑是仙仰看猿共怒翻  
與僕爲憐畏險忘幽興登峯得舊緣何須嗟九折  
好看祖生鞭

五言絕句

箐口關

巡按何悌

啼鳥藏葉底流水出花間石亂人行路雲深馬度

白鶴舖

建水州志

卷之十二 藝文詩

六

白鶴何年去猶存白鶴名夜深風露下彷彿九臯  
聲

翠屏館

曹安

曙色山城迥溪聲草木催停鞭何處好侯館翠屏  
開

七言絕句

南牀舖

蒲已生芽柳已花杜鵑聲裏怨無家東風馬上歸  
來客芳草平川望眼賒



納樓司

李壁

壑雲擁馬欲迷途鳥語辛酸四面呼寒長踰山遠  
相訝諸蠻負弩作前驅

溪處司

青山疊疊總無名鳥韻花容繫客情路入白雲盤  
一線霎時飛雨霎時晴

撫蠻臺

為萬氏作

巡按姜思睿

平生恥讀和戎議今日响町見百蠻瀘水灘頭談  
舊事南人不反乞生還

建水州志

卷之十二 藝文詩

七

長鳴鷄

知州劉儋

八月高秋書院深和風和雨叫清音頻頻只管煩  
他去未必人人是舜心

開化寺桃花

廖楚良

空門着色費安排水自流時花自開多是兒孫會  
面壁嵩山絳雪又飛來

其二

一簇朱霞繞徑排山中偏有笑顏開春風吹下人  
問世惹得漁郎問訊來



其三

層層錦浪是誰排  
綺樹新粧婿日開  
人在維摩獅子座  
晴霄天女散花來

其二

桐栢靈嘘面面排  
春風着意艷陽開  
寄言洞口人何笑  
前度山翁採藥來

雲龍精舍

張孔昌

是是非非任縱橫  
焚香戶內絕經營  
夜來試看窻前月  
惟有空山分外明

建水州志

卷之十二

藝文詩

八

昆池竹枝辭

蕭太成

郎自上街儂守般  
停橈且補昨宵眼  
載得魚鰕都換酒  
一小魚村不使錢

十八束裝嫁太華  
翁姑世業老魚鰕  
前年生兒今三歲  
也解乘流捉浪渣

三市街頭米如珠  
將軍有令罷度沽  
儂家種得波千頃  
也愁海涸沒漁租

詩餘

過東林寺 百字令

章士元



東林蘭若論雅致頗稱郡中風物十里紅塵無避  
處須着此間幽僻白晝游絲黃昏清梵百慮應俱  
息多情傲吏故應來此成適 自槐菊徑成荒棠  
陰未滿歲月虛拋擲忙裏逢僧聊一話閱得浮生  
半日山水之間醉翁幽意幾箇人知得凭欄一笑  
寄與後來佳客

遊異龍湖

軍衛屯所  
在萬年歡

陳封

畫舫西風喜湖光如練最宜殘雪蓬島樽前共對  
芙蓉時節六詔消磨尺鐵到此處峯巒橫絕休拋

建水州志

卷之十二 藝文詩

九

撇廢館荒臺一代淒涼人物 鬢毛頽白料難放  
天昏地老歌聲莫闕兩岸青山多少英雄埋骨儘  
取金印銅符休換卻吟詩嘔血甘心署漫浪頭

消受一溪明月

駒町月節

漁家傲十二首

郡人  
包其偉

正月駒町春已透瓊樓碧樹煙光奏宮樣衣裳風  
滿袖香橘柚椒杯占斷江南秀 士女嬉遊夜轉  
晝笙歌雜亂蓮花漏月下鞦韆疎柳扣燈節後佳  
期約在花朝又



二月昫町花氣曉綠窻沉靜啼春鳥楚管秦箏彈  
未了思浩淼碧桃紅杏迎芳沼 袖拂鸞箋情興  
杳尋春漸覺春腰裊侶燕儔鶯如意少歌窈窕紫  
騶嘶入梨花杪

三月昫町無積雪南郊北社青相接露井新煙炊  
不歇烹玉屑墳頭祭掃清明節 插柳佳人光比  
月紅裙皺損榴花折芹藻蒲瓜香未絕杯言綴東  
風吹亂啼鵲舌

四月昫町迎佛會蘭膏一沐千金費隨喜法筵無

建水州志

卷之十一 藝文詩

十

賤貴松雨吹通宵鼓鉸風翻貝一齋罷佛婆花底  
背蒲團趺坐談三昧往有美人清婉倍貪拾翠行  
行帶落丁香佩

五月昫町無惡夏水邊林子開精舍往往仙人來  
稅駕碧雲誇至今畱餐冰壺話 魚戀穀花儂下  
壩雕盤雪藕來花下長日圍碁清興乍詩酒罷荷  
風早放炎蒸假

六月昫町幸小築薰風亭館無煩燠竹簟方牀人  
倦讀開畫軸新詩寫得毫端禿 溽暑雨疏梅正



熟松明火徧田家穀擊缶吹豳下平麓祈田叔煥  
文山下煙霞矗

七月眴眴秋乍頽花香月煖如春景乞巧穿針池  
上問看煥嶺嵐翻翠疊千層影 令到梧桐渾未  
省煮蒿漸入中原境月下聽砧相對永銀漢耿邊  
城想自今宵冷

八月眴眴秋婉變長渠淺碧芙蓉倩狎鷺親鷗情  
未倦明月翫平分秋色來家宴 桂子娑婆和露

薦水壺濯魄雲成片一山霓裳鴛和燕醒酒面香

建水州志

卷之十三 藝文詩

十一

風剪剪生團扇

九月眴眴秋意久景花開遍瀘江口村市場幡朝  
北斗祈壽香茱萸先浸重陽酒 明月蓼花同白  
首登高誰讓誰先手醉吟落水寒生肘霜降否一  
聲鴈鴻來衰柳

十月眴眴泉水凍浮梁又往看巖洞花爆燈毬烘  
石空春酒甕遊人似作遊仙夢 南北聲幸齊拍  
弄神魚躍得凡心動別有乾坤看翥鳳偕伯仲仙  
舟省失桃源衆



十一月溫泉如甌釜櫻桃未謝海先吐北寺南山  
新卉譜遊人虎簾間煖氣蒸鸚鵡 嵩祝既成歸  
祭祖和羹剪韭享童戩箇養微陽非小補逢九數  
空中鸛鶴飛寒羽

十二月昫町風解籜海棠初醒胭脂弱鳳曆新頒  
春又作相踴躍鬧廳鼓打年歡樂 開遍茶花紅  
灼灼村粧野豔綠城薄土鼓迎牛爭繡錯分歲酌  
千家爆竹驚寥廓

附閨咏

建水州志

卷之十三

藝文詩

十三

獨坐

希

班

任做女

唧唧蛩聲遠迢迢更漏長獨居無箇伴明月上紗  
窗

咏梅寄夫

冰肌一樹梅葢發心如豆獨占百花先反落羣英  
後

存存

存存姑州守劉儋女雅好詩詞  
值丁亥難益於署中時年十六

寄堂姊

未必心同面亦同桃花另是一番紅回鄉有夢何



人見盡付題詩不子中

咏白牡丹和韻

興

弟

向僕孫女

謾道姚黃貴比金天香雪影夜來深玉欄杆外梅花伴一捻何曾動爾心

過異龍湖

搖曳空青盪小舟海邊突出化龍樓城連山色春圍住盡在雙眸一望收

建水州志

卷之十一

藝文詩

三



詩

五言古

巖洞

吳鵬

雅志在山水臨眺興無倦  
 詩望城東郊幽巖表南  
 甸使君復愛客撫景開方宴  
 解帶遡南風手掬水  
 花片披榛得微路延瞰中巖偏  
 結橋渡雲溪列炬  
 散晴電怪石虬龍翔層臺  
 玉芝炫旋轉尋丈間幻  
 化千萬變勢凌天姥竒桃源名  
 並擅自非神明護  
 乾坤豈終見日來若塵縛勝引資  
 遊衍薄暮下山  
 建水州志

卷之十三 詩

一

椒心賞徒猶戀安得長公術  
 移此中州奠依棲鍊  
 丑藥辟穀謝朝彥

半閒亭

章士元

昔賢理彭澤託迹東西林豈繫  
 就名教實寄方外  
 心余質本樗散黽勉嬰紱簪  
 西南繫二郡綿力葑  
 不任微科與敲朴填此煩  
 免襟爰追哲人  
 還招尋邂逅入精廬幽賞  
 愜孤吟曇花爭永晝香  
 靄散秋陰夷猶水  
 久瀟灑良猶深乘興數來往  
 挈榼聊自斟同行盡  
 束服相歡各矢音如知會心



處無間古與今倏忽歲云改庭柯鬱森森朱諧結  
廬願有懷春江潯悵此羈旅迹繾綣空蹄泔何當  
返初服一卧吳山岑

遊雲龍山

御史 傅 祺 建水人

靈麗橫地維巖巒鬱鬱佳景誰將兜率天超然置人  
境曠渺出層霄躋攀實幽靜上覆林木陰下俯水  
天影清響振涼飈餘霞帶輕暝金碧樹杪懸鼓鐘  
聲炳炳雜以溪鳥喧但覺泉石冷疾雷破南山夕  
陽上高嶺幽壑斷復連羣峯散逾整白雲若流波  
建水州志

卷之三 詩

二

明滅如龍騁自顧機事損况乃塵俗屏俯仰發長  
嘆遨遊慚不猛

冬入雲龍山

廖大亨

落葉蒲香林人踏葉深厚積霜溼空谷高烟平霽  
岫山谷蒼且寒溪毛碧以瘦宛轉爲尋幽古徑聊  
相扣枯籐蘿帶垂澗咽松濤吼一僧啓荆闥選置  
轉幽秀眼曠天地開萬物謝雕鏤高深淡心懷清  
暖變氣候殘絲掛衰楊霜蔓縈寒柏楓樹澹山容  
草虫吟凍後丹葩引斷香殊覺春光漏藉草傾玉



壺花間疑美媿孤坐看飛雲永矣忘晴晝

### 煥山

鄒應揚

青青煥文山塵淨山光燦陰晴各殊容所夕能互  
煥草木敷新榮秀色浸几案上有五老峯峯峯插  
天半鬱葱氣可餐倒影會入泮蒼紫峙若屏卓然  
自崖岸筆鋒蹶山腰形勢不相亂雲霞時往來散  
作諸峯冠枕石吞翠微松風答吹萬猶憶明月中  
子期或出玩

### 七言古

建水州志

卷之十三 詩

三

### 瀘江靜釣

王景常

長江西來幾千里白淚飛流拍天起中有修鱗長  
比人不入先生釣竿裏先生襟度足與娛直釣在  
意不在魚要將清蕩星斗不與 怒濤同卷舒昨  
夜一絲蘸寒月今夜一絲拂飛雪舉頭傲睨天地  
裂白光夜射蛟龍窟先生釣竿幾許長先生經綸  
千丈強子陵桐江遇文叔尙父渭水逢周昌江山  
回首應非故世事茫茫難縷數赤壁天空雁不來  
采石月明鯨已去乾坤上下清絕塵天潢水白結



水銀先生有意投竿起歲月無情那待人

曲江溫泉

巡按瞿 俊常熟人

我初按節來南滇與觀地志開溫泉寤懷淨浴洗  
身垢此心溫想常懸懸迤東一路走千里九月荒  
炎如暑天金風不解送涼信鬱蒸反劇如熬煎行  
逢曲江古名勝解衣浴罷仍畱連靜思物理怪幽  
妙有口欲語心難宣初疑堯時有十日射落一箇  
滇池邊火輪落地凝不散珠光耀出重淵泉又疑  
太古女媧氏補天鍊石憂天穿熒熒宿火未消滅

建水州志

卷之十二 詩

三

太治煮火理炎烟文云浴此可祛疾奔走羸老爭  
趨先我身無疾底須浴好事豈必分愚賢此泉有  
買本無價一日可值千金錢若教亦被西子污棄  
置更有誰相憐環流入澗注澄碧青鏡照耀分強  
妍行人過此須憇息肝膽瑩徹心醒然餘波出澗  
漑田畝普濟早曠成豐年我民世世被餘澤稽首  
莫報神功立詩成長歎下山去乘風快著青驄鞭

遊雲津洞

巡按 李本固汝南人

丈夫義氣凌高秋飛行八極隘齊州匹馬西南天



際頭貪竒到處爲冥搜昆明之左巖山陬中有仙  
窟結蜃樓神藏鬼呵誰敢求我來始得搃其幽洞  
口倒涵丹水流長橋天橋偃蒼虬振衣前渡恣尋  
猶森森石笋排戈矛側身一罅偃而僂手闕洪濛  
觸不周別有天地非人謀列炬大詫爭先投竒竒  
怪怪爛不收萬頃芙蓉翔鷺鷗百寶流蘇控玉鈞  
十絲纓絡懸燈毬琪花瑤草紛相摻石髓天漿旨  
且柔瓊瑋陸離眩人眸烟光繚繞紫雲浮髣髴洪  
崖拍浮丘驂駕白鹿與青牛鸞迴鳳舞彈箜篌步  
建水州志

卷之十三

詩

四

虛歌來音韻適恍疑凌風到十洲俯看塵世如蜉  
蝣洞天深處水悠悠欲往從之道阻脩恨無太乙  
蓮葉舟四顧蕭然不可留卻尋歸路吟且謳此日  
眞成汗漫遊散髮箕踞倒玉甌劃然長嘯山鬼愁  
神仙本是英雄儔蓬萊清淺不盈杯齟齬富貴安  
足籌棄之於我如浮漚向平婚嫁幾時休松風萬  
壑來颼颼

雪津洞

僉事

鄧原岳

閩縣人

西南洞壑三十六名山往往隸仙籙雪津古洞稱



最奇銀峯瑤島紛相屬洞門石乳斷復連盤挈綽  
約浮青烟玉笋停停作人立玲瓏詰曲皆中穿寬  
者若廣野窄者如斗門列炬照之不測頂綠厓捫  
壁愁攀援初疑鬼斧鑿定匪人工作縹緲真同麟  
鳳洲微茫宛在蓬萊閣瀲灩溪流清且寒四時不  
漲亦不乾昏黑不知深幾許但聞中有蛟龍蟠編  
竹爲橋危可渡嵐翠淋漓濕如雨灘聲喧作萬壑  
雷水氣蒸爲九里霧平生眼境無此奇黔中碧雲  
差似之踞地大叫嘆殊絕搜羅歷覽真忘疲乃知  
建水州志

卷之十二

詩

四

仙源去人亦不遠採藥尋真并非晚試繫漁舟溪  
水頭花開倘有胡麻飯

登天馬山

主事

葉

瑞 建水人

玉筍高標千仞起峻崢直向青天裏神工削出翠  
芙蓉羅列千峰皆剡崦山林深密飛霞寒薜蘿褰  
往出城端挾雨遙看龍氣肅秋毫可數有鴻盤五  
雲高踞仙人掌飄飄欲作凌虛想青蓮句詫雁峰  
奇少陵西岳猶神往徙倚岡頭一振衣九煙之外  
弄晴暉巢許風高今已邈江湖廊廟思依依



煥山甃月歌

王景常

煥山山上秋月明煥山山下秋水清道人持盃待  
明月氣壓秦華吞滄溟姮娥靚粧倚碧井照見琉  
璃幾千頃興來吸盡金叵羅舞袖徘徊弄枝影

巖洞遊

郡人 譚繼統

丹巖插天天路嶽清溪穿地地肺深海山空處非  
人林小有洞天白日陰鬼斧何年劈雲根劃然一  
柱撐洞門春鎖白波翻晶瑩青霞紫氣蟠網緼美  
人邀我訪蓬瀛縹緲飛虹星渚橫躡沙穿石青鞋

建水州志

卷之三

詩

五

輕玄洲象罔捧珠迎麟幢螭駕鬪繽紛燭龍石火  
互憐憐銀界三千色相陳中天倒插玉璘珣真有  
芙蓉十二城藥宮貝闕勢崢嶸蛟室蜃樓疑削成  
蹲獅踞象走鼉鼉四時常滴簾雨新玉禾珠樹自  
彬彬奇恣怪態紛相親不信環中別有春天花散  
亂似流星空同掣電轟雷霆驚走排闥虎豹醒忽  
聞廣樂張洞庭塵心不覺灑然清冷冷雨袖天風  
生狂來欲恣汗漫情乘槎竟到白瑤京中道俄逢  
太乙君手拄青藜向我云箇裏津津杳無垠玄之



又玄那可聞一拳打破崑崙局大地山河總幻形  
我聆此語倏惺惺恍疑身世在滄溟回首明霞已  
染巾玉芝瑤草拾來真洞口緋桃敢笑人臨流掃  
石坐雲茵細煮白石餐青精起向山頭騎鹿行憑  
巖試問山之英何日容顏一抹青此土惜在西南  
陲未得遊仙盡吐神爲我移置大江汾武陵鴈蕩  
何足論

臨安春社行

楊慎

臨安二月天氣暄滿城靚粧春服妍花簇旗亭錦

建水州志

卷之十二 詩

六

園巷佛遊人嬉車馬闐少年社火燃燈寺埒材角  
妙紛紛至公孫舞劍駭張筵宜僚弄丸驚楚市楊  
柳藏鴉白門晚梅梁栖燕紅樓遠青山白日感羈  
遊翠竿清樽詎消遣宛落風光似夢中故園兄弟  
復西東醉歌茗芋月中去請君莫唱思悲翁

夏水謠

楊慎

階簷下雨戴帽龍女嫁天公笑日反燒水港竈巖  
洞青鼃樹上叫

郤金行

蕭崇業



中山宴罷贈兼金遠人不諒四知心義利分明難  
可昧敢信金多交始深金函開詔出殊方讎讎皇  
華衆所望薏苡還招犀玉謗黃金媿入陸生裝帝  
子憐嬌貯金屋我易好懷買書讀書中道義原自  
貴孰識豪富悲金谷白晝攫金亦何迷金堯絡馬  
遭傾覆燦爛金丸韓嫣侈婦賢且解遺金辱君不  
見燕王好客築金臺高士掉首去不回天生我才  
原有用散盡千金還復來又不見鮑叔讓金交誼  
篤仲翁分金樂宗族不疑償金同舍子勿安鋤金

建水州志

卷之十二

詩

七

如草木祖榮一錢猶爲多清獻琴鶴良自足趙軌  
飲水范甌塵羊續懸魚苗畱犢余誠不能比德於  
放子區區竊慕古人之芳躅

瀘江橋

郡人趙節

歸墟遠洩龍湖口襟帶眇町東向走蜈堰虛懷受  
百川沙堤戟列千株柳阜安門外薰風早歌館酒  
樓在樹杪人煙遙與水氣連迷離莫辨山城曉合  
郡無如此地佳黃鸝舌破春難老騷人斗酒佐雙  
柑愛聽枝頭談說好西通瘴國檳榔樹東是五金



所出處輪蹄雜沓樸塵來到此徘徊不忍去河消  
十里瀉銀沙河盈多觸老龍怒自古此間萬命關  
增脩宜保苞桑固但願橋邊詩酒遊莫教阡陌操  
舟渡

古體

鵲警

曾旭

鵲鳴佞鴉鳴忠佞快心中逆耳鵲剛戢羽人趨候  
氣鴉未發聲人走掩耳異哉鍾不欲挺鼓不欲捶  
天以柱支地以鰲維凡以諫聖智以諛愚柱折天  
建水州志

卷之十二 詩

八

驚鰲馳地扼嗟我小子迺無其砥敢如岳峙

五言律

普庵寺

知州劉僖

漠漠荒烟裏天緣剩普庵小林斜背郭曲室暗通  
壇花果畱生計風烟幻正觀袈裟休便着一看始  
知難

曲江驛

開化丞姚文燮

舊縣裁歸驛殘衙借客輶村荒畱古瓦廟冷鎮長  
橋夙火新畦蔗濃陰夾徑蕉只緣屯戍少天幸與



漁樵

將至建水

姚文燮

近城山盡伏倦眼豁新秋暮紫明村火環青展郡  
樓稻香編棘護蒲影雜蓮稠十里紛來騎人涯續  
舊遊

寄東林寺

郡人馬之驪

久飲東林趣悠然寓此間心隨琴鶴遠身借水雲  
閑混俗非同俗遊出不礙山虛空形影寂無生自  
無還

建水州志

卷之十二 詩

九

雲龍寺

郡人楊中原

鳥道入雲林亭臺坐碧岑苔封幽徑滑竹擁翠屏  
深菊圃含秋氣蘿軒澹夕陰此中山水韻料得少  
人尋

其二

絕頂青天近千峯一望收閒雲當戶入野鳥傍人  
幽嵐氣晴疑雨松聲夜帶秋僧房分半榻高枕聽  
泉流

南莊

郡人萊淶



村釀畱鄉味園蔬小摘寬塵非衝馬倦水遠幸鳧  
安前後青楓歇星辰碧落寒盡誇馳驛好不道僕  
夫難

雲龍山三元宮漫興

葉 濼

翠嶂湧彫楹瑤宮入太清山茶紛鶴唳樹杪出經  
聲學道殊相近爲儒苦未成頻遊非浪跡泉石預  
相盟

將臺

趙 節

巖嶭流荒址當時舊築臺月寒茄吹蕭風捲陣雲  
建水州志

卷之十二 詩

十

開定遠軍麾集南州羽扇來升壇惟夙望戡亂仗  
雄才

其二

斷戟浮沙土青燐出草萊半撐磨塚北全圮鶴泉  
隈壁壘銷耕隴烽煙洗宿霾古人不可見憑眺意  
悠哉

遊雲龍山

郡人 吳之銘

下馬尋山徑萬松擁寺青階前花色色檻外竹亭  
亭雨霽雲移岫談深月滿櫺禪房幽興發汲水試



茶經

香林寺

一峰藏古寺地僻少人遊  
寶樹籠香閣天花散石樓  
白雲飛片片流水自悠悠  
何必逢僧話山光爲客留

行春

曾旭

我愛春行好石橋寒水澗  
桃夭烘日麗柳弱倩烟籠  
蝌斗行行變魚兒隊隊同  
田家纔飯罷門外晚涼風

建水州志

卷之十一 詩

十一

我愛春行好花香散滿  
坳柴門開燕浦竹屋轉新  
屏鵝戲沒深碧馬斜窺  
遠青無妨樹影淡就此泛  
紅醺

我愛春行好芳茵印軟車  
書空松筆健擲地榆錢  
奢樵擋出山果牧蓑綴  
野花輕雲東過嶺虹飲一  
川霞

我愛春行好環峯下  
晚嵐月虛汀草動雲卧石  
羊酣梨影浸沙路松香渡  
野龕隔津笈守吏幽意不  
隕貪



萬明寺

知縣 邢世瞻 建水人

寺古人來少臺高望月低晴開千畝綠平揖萬山  
齊曲磴通幽徑危欄掛彩霓村村砧杵動耳畔唱  
天鷄

嚆黑龍潭歸次乾離仙洞 夏治源

旱魃將為虐扃誠禱黑龍路紆經古洞泉響落高  
峯野竹風凌翠閭花日映穠神功如可濟盃水看  
雲從

七言律

建水州志

卷之十二 詩

三

曲江春

郭梧庭

十年宦海苦飄蓬天際觀風西又東王事駢駢淹  
四牧客懷日日見孤鴻江梅帶雨紅新岸路草知  
春綠舊叢收拾椒盤隨馬去誰家把酒醉仙翁

曲江元旦

莫把支離笑此身春光又是一番新江城鼓角隨  
風曉客邸屠蘇酌斗頻敢謂春萱盱萊子有懷蒼  
赤望王遵登樓漫道閱今古且喜東方日上賓

曲江元宵



金吾弛禁馬蹄駐風送茄聲八院饒日斷銀橋家  
萬里影搖朱戶燭叢燒王孫匝路分柑食甲士披  
星競斗刁強醉座來聽夜半誰傳羣醜遁今宵

曲江

沐昂

曲江新漲水痕收野色和煙古渡頭林外漸看來  
宿鳥沙邊還見浴輕鷗漁翁舉棹論歸舫旅客亭  
驂問去舟欵乃一聲何處發夕陽芳草自悠悠

煥文山

判山高聳鬱嵯峨萬疊峰巒朗翠螺雨霽青猿啼

建水州志

卷之十二 詩

三

木杪雲深蕭寺傍巖阿鈞簾每助詩懷壯拄笏應  
漆逸興多覽結從知仁者壽讀裁新句自吟哦

瀘江

王景常

郡城北向古城南一脉靈源漾碧潭夜月澄波拖  
素練春風吹浪皺晴藍柳陰綽約高低合山色模  
糊遠近含卻意舊時濯纓處幾人嘯咏暫亭驂

煥山

郡人 王來賢

名山繚繞向城東秀色蒼蒼聳碧空霧暗碧紗籠  
晴翠月明秋水漫芙蓉層崖有路何人到古樹無



枝少鶴踪鎮日相看渾不厭丹青寫入畫圖中

桂香樓

憲

韓宜可

文昌宮裏桂香樓傳是神君舊所遊幾樹穠華依  
月窟滿天清馥遍瀛洲碧窗日暖樓丹鳳金榜雲  
深護玉虬便欲焚香看桂籍姓名今復爲誰收

海門夕照

韓宜可

江寒鳧雁集汀沙半掩柴門夕照斜洞口煙嵐連  
野燒城頭鼓角襍寒笳猿聲長嘯林間月鴉背輕  
翻樹杪霞幾度扶筇翹首望青山隱隱隔天涯

建水州志

卷之十三 詩

古

白馬停驂

山連吳楚路東南誰駐銀鞍柳外驂白馬勢高吞  
日月蒼龍氣散作煙嵐似呼茆店人沽酒疑訪柴  
門女盍簪欲折花枝相贈去海棠春睡雨初酣

螺峰白雲

突兀峯巒出翠微白雲如練久相依未爲仙子裁  
春服堪與君王補袞衣風動卷舒還有態眼前聚  
散本無機一經眠抱山頭石何日從龍萬里飛

鳳亭花雨



幽亭小構近丹山花雨繽紛京漸殘一夢繁華春  
滿地五音節奏夜鳴鑿恍疑膏澤滋南畝空有金  
鈴繫曲欄自別武陵人去遠九苞文彩共誰看

洞口晴嵐

陰陰洞口小壺天嵐氣晴分紫氣巔日照佛頭排  
玉筍霞明仙掌捧金蓮江村漁舍春天樹茅屋人  
家日午煙指點帝京何處是九重金闕五雲邊

溫泉

天作方塘洗俗氛自然春意藹氤氲一泓地脉溶  
建水州志

卷之十二 詩

圭

真火半夜神丁煮白雲靈竅暗通元氣窟温濤輕  
泛浪花紋金池浴罷驪山冷卻笑當年萬乘君

煥文山

郡人 郭鏞

巍巍重鎮對孤城一帶青屏畫不成絕頂尙存仙  
隱跡寒巖不斷鶴鳴聲烟消螺髻青猶濕雲歛蛾  
眉黛欲橫莫怪登臨攜謝屐憑檻極目自心清

巖洞

方 沆

古洞穹窿閱歲年寒蘿拄杖共負綠穿崖流水疑  
無地削壁歸雲別有天窸窣虛看玄鶴舞微茫翻



訝獨龍眠何人一曲清商起把酒臨風共欲仙

遊觀音寺

郡人 王廷表

太平風物在南州鶴舞東郊與客遊氣象欲干青  
縷筆逍遙還聽白雲謳三乘古刹鳴仙鶴四照晴  
花繞石樓佳景正當頻結社明朝何處更凝眸

指林寺

敖 和

城外青山秀插天城中佳寺景無邊寒潭雨歇蒼  
龍返幽谷雲深白鹿眠穿戶影重花外竹到池聲  
靜澗中泉老僧出定因無事坐看天花雨席前

建水州志

卷之十二 詩

六

香林寺

王來賢

邨邊蕭寺晝常靜野外閑僧夢不驚林鳥和鳴如  
誦偈曇花亂落似鋪英已將劫世溝中斷未了塵  
緣隴上耕守爾一能知自足從他萬物有誰撻

送友人結茆雲龍山

郡人 楊應桂

卜築龍山第一峯雙峯晝日倩雲封初疑天竺三  
生石翻聽華陽萬壑松千嶂煙霞浮紫翠半空鷗  
鷺下芙蓉幾回欲喚塵勞夢倚枕風來野寺鐘

北山華嚴寺

馬之驪



憶雲龍和前韻并榮刺史李公畫

釋行 鑑湖廣

東眺雲龍未得遊儼如太守筆端秋山光斷續烟  
生樹石逕縈迴翠逼樓長者停車松韻落老僧說  
偈鳥音休尋常不敢閑敲句盡在王維畫裏頭

狀元館

為楊升庵建相傳今夏家亭是其舊址也

李春艷

諸陵烟雨變滄田太史祠堂尙在滇兩朝臣進三  
官號一路君恩萬里偏瘴嶺風霜留老戍錦城花  
月隔芳年北山多少麒麟塚盡傍先生臥閣邊

建水州志

卷之十三 詩

又六

湖曉

鄒應揚

曙色空濛露未晞涼生水氣晨光微鳧鷗振翼出  
南浦鱗介相狎弄旭暉疊嶂腰嵐青未了平波面  
鏡翠欲飛漁翁初試輕舸去指點朝烟鼓檝歸

湖晚

斜照西歸影倒垂愁看暮雨一天低漁舟點點聚  
還散村火沉沉見復迷雲暗翻飛鴻嚮寂山高掩  
靄月明遲因思破浪乘風去擊楫中流唱晚時

湖雨



梵王宮倚北山開地僻人稀半是苔綠竹幾行森  
玉立遠峯四面送青來雲寒石洞龍眠穩日暝松  
巢鶴未回清趣滿前因坐久灑然心地絕塵埃

朱竹

亦是渭川畝上枝卻綠殊色借胭脂清陰忽訝繁  
紅藉勁節難隨染絳移結實定爲丹鳳食騰空堪  
作赤龍騎多應血淚湘妃盡客賦梁園總未知

景賢祠

郡人張繹

郡齋猶記列諸生小徑書臺南畔行舊屋改遷文

建水州志

卷之十一詩

七

廟路新祠重揭寄賢名二公餘韻叨聞久十載閉  
宮槐望輕徧覓遺文難盡得空瞻塑像獨含情

和韻

徐瀚

底事青蠅玉上三二公真不愧南行山川有幸經  
題品忠義難通不著名去國可能忘寢食趨朝原  
不戀肥輕新祠更勒名公記喚起衣冠萬古情

和韻

濮宗達

久懷經濟在蒼生直道翻成戍遠行韓愈潮陽遺  
諫草蘇軾南海擅詩名人貧賸有經書富道重能



將利祿輕獨瀉椒漿祠下拜黃鸝碧草不勝情

和韻

王嶽

自分公忠了此生天成豪傑在南行已看枯竹含  
生意還見金甌覆姓名志薄寵榮窮困樂道隨用  
舍去畱輕吾人遠徼知文學一畝祠堂未盡情

前題

何雄

二老同爲萬里行遐荒畱得寄賢名人懷疏濬詩  
書澤祠寓尊崇道義情隔院杏花春雨潤閔亭竹  
影午風清儷然竝坐儒林處千載儀型我後生

建水州志

卷之十一 詩

十六

臨安除夕

楊慎

去年除夕葉榆澤今年忽在臨安城斜看暮景飛  
騰意正念天涯流滯情寒梅判山我欲寄烟草瀟  
江誰喚生鄰牆兒女亦無睡歲火天燈喧五更

香林寺

知州 劉僖

步入層雲日已斜沿溪曲折得僧家低迷路斷時  
穿水迴合峯開忽見花一線天中容淨土三生石  
上話恒沙行春太守多幽思愛聽鶉聲勝法華

東山龍泉寺



疎狂如許豈堪論  
紗帽場中別法門  
牛馬隨人呼  
輒應詩書由我自  
成尊寒冰兩眼千秋業  
絮位三年一代恩  
花鳥乘春供醉眼  
于今世事總昏昏

雲龍山舊寺

正月南方盡是春  
行邊小隊宰官身  
從他白雨敲  
油幕借爾雄風上  
翠雲化國犬羊無  
量佛空山桃李可  
憐人  
晨鐘暮鼓臨安遠  
何用禪心重十分

挽劉僖死難

塗大輅

錦江洗濯玉冰姿  
早擬鴛班立鳳池  
萬里薄遊今

建水州志

卷之十三 詩

九

夢幻生平節義幾  
心知無家杜甫投  
荒日有恨賓王落  
髮時  
屏海雲龍歸去後  
忠魂應復繞我眉

州守舒公國華

投老夷門感故恩  
思君暗復拭淚痕  
甘裳蔽後人  
誰翦蘭蕕歲時羨  
獨存霜天應冷湘  
山骨  
夜雨難招楚客魂  
哀哀塞草連天沒  
怎向東橋奠一尊

戴祚字卜年丁亥死難

憐君善病復貪愁  
脫穎文壇着意求  
額點未隨龍子化  
首邱惜伴兔羣遊  
知我良朋今鮑叔  
安貧佳



士古黔婁欲將斗酒招魂去煥嶺雲橫雨變秋  
王非珩名所資丁亥死難

成虹劍氣躍平津天妬英雄鬼忌人八韻極工難  
乞巧五車雖富不驅貧青瑣忍見紅顏臥白社愁  
看紫電淪我欲直呼蒼老問西山松倒石磷磷

張孔昌死難

怕向荒城再一過故人風韻逐頽波文章節義寒  
烟滅城郭山河冷月多華表不來仙亦老桃源無  
去世如何子山此夜哀鄉國悵望蒼蒼發浩歌

建水州志

卷之十三 詩

三

王士興字斂修丁亥死難

君才軒翥彙思皇崑山俱焚倍可傷翰墨已知理  
宿草雲山何日掛垂廊青天不雨雲猶黑碧樹無  
風葉墜黃卜築江鄉空有約蓼花血淚點秋霜

鄒應文字君實丁亥死難

百年消息竟沉沉恨比湖潭幾倍深攜手青雲齊  
北斗分飛紫塞失南金鄒陽困殺談天口彌子寃  
含照四鄰諸阮歸來君不見高山誰與理瑤琴

憂宗璜字又黃丁亥死難



浚郊猶未下干旌不覺黃梁夢已成兩鳳一先悲  
斷影隻鸞仍復死吞聲傳冢衣鉢終何寄博古文  
章竟不榮料得修文歸地下那無血奏爲時鳴

北山華嚴寺

劉信

十里松雲入北山野花啼鳥共僧閒浮生自古終  
成幻靈藥何人復駐顏流水声隨鳥語去落花香  
襯馬蹄還九嶷卻憶巡遊後千古湘筠血淚斑

咏榆錢

郡人楊德培

不論貧家與富家堆堆積積總驕奢忽疑寶樹移  
建水州志 卷之三十一 詩 三  
中國更訝凡枝產異葩騷客不堪償酒債道人常  
用買烟霞阿姨可是真豪俠不惜揮來委地沙

過雲龍準提閣

廖楚良

脫畧紅塵坐翠微山桃爛熳趁春肥江頭掉月客  
來訪鹿苑封雲僧未歸藉草靜嫌溪聒耳入花晴  
亦雨沾衣采真遲我十年約丹竈詩瓢願不違

侯家簞白雲庵

王元翰 翰林

山空石磴足音無籟靜天空水自呼草蔓已封僧  
去處鳥聲旋遊客來途塵心未淨鐘三杵秋色平



分酒一壺起向嶺頭閑  
悵望白雲猶自挂蒼梧  
風塵馳逐見雙松  
古幹稜稜欲化龍  
不借笙簧添鳥韻  
若煩蒼翠點晴峯  
參天不改長青色  
絕頂虛傳半夜鐘  
我亦歲寒能耐者  
與君聊且共窮冬

詠雲龍雙松

郡人許申

石壁泉聲

山石嶙峋轟萬重  
流泉到處聽淙淙  
懸崖人跨行雲渡  
曲徑樵尋鳥道逢  
樹匝迴巒藏睡鹿  
瀑飛隔崖響奔龍  
可觀自是無今古  
烟火何年擬舊封

建水州志

卷之十三 詩

三

雲龍寺

馬晉

欲從天際瞰奇峯  
直上雲龍第一重  
蔭地松撐紅日傘  
驚天僧撞白雲鐘  
山禽窺戶禪初定  
木客吟詩興正濃  
三萬六千塲裏夢  
何如此地話從容

萬明寺

劉世長

半日幽閒無處覓  
西來登眺意悠然  
捲簾碧水平鋪玉  
入坐青峯淡插烟  
僧伴花陰樓定席  
人從塵壺得壺天  
當時興廢聊供酒  
莫待瀘江暮色連

登東樓

姚士堉 江南



巍巍畫棟逼重霄時有仙人弄玉簫四面好山青  
到郭千村深樹綠過橋胡牀月較南樓早斗柄星  
瞻北極遙刺史丹青雲外見豈容土粲賦蕭蕭  
侯家箐石壁泉聲  
張之松 浙江

南來皖入鏡湖陰夾道崇巖爽氣生勒馬應懷題  
柱意溪上停鞭且聽壯流聲眠雲百折蛟龍起穿  
石千尋虎豹奔何用探竒追往蹟松風明月可行  
人

察院署中

巡按 張 泰

建水州志

卷之三

三

憲節巡行歲欲闌觀風今日到臨安萬山城郭威  
蠻部幾隊旌旗擁漢官充國屯田榆塞靖亞夫軍  
令柳營寒分明天作華燹限少隔蓮花淺水灘

演武場

城外西北角

副使 王 忠

按部南來春已闌烽煙消盡遠人安承平不縱披  
堅卒閱實仍勞執法官日麗江山旗影動霜飛牙  
纛劔光寒戰酣散作之元去日送可亦九曲灘

兵備道署

曲檻穿堂西署西宦情山意兩相宜雲來斷岫雨



將至花落閒階人未知苦志敢忘吾汲汲公餘翻  
愛日遲遲偶然隨處開襟抱一酌清泉一賦詩

前題

僉事 邵 煉

隱隱疎鐘隔晚林一簾清景可人心鳥聲寂寂將  
依樹苔蘚青青欲上襟退食看花忙裏逸倦眠敲  
句靜中險相思鄉國經年別惆悵斜陽落碧琴

曲江驛

僉事 劉 福

杏花開徧又桃花南國風光自一家虛室夜深喧  
蟋蟀溫泉水沸裊烟霞松杉盈野都城畫蛩蚪綠

建水州志

卷之十二 詩

三

溪欲變蛙物異不堪人亦異等閒戈戟怨相加

萊玉峯

郡人 曾 倬

往歲尋幽到曲阿青山一壁甚嵯峨人聆古洞歎  
清磬出望蒼天浸碧波好弄漁舟翻白浪不愁危  
石掛烟蘿巖樓野寄真吾事彈指輕輕百歲過

寶秀蓮臺

郡人 曾 倬

山靈與我久相期責我來遲竟拙辭撫掌吟風猿  
躡嶺擡頭翫月鵲喧枝喜翻素卷開新匣笑汲天  
漿煮玉芝一點塵埃無着處雲封門外水流池



雨宿雲龍準提閣

程封江夏

野鶴孤麋妬良遊一夕風雷古寺秋  
曉氣漸寒峰頂樹陰雲全覆石邊樓  
竹筒引水僧初出禪室敲棋客未休  
最是泉聲流不歇嘈嘈絲竹虎溪頭

前題

知州李灝

爲愛林泉此共遊雲龍高聳半天秋  
譚經法雨三千界歌枕瑤臺十二樓  
靜裏時聞溪有舌夜深不詩話無休  
明朝更約登峰頂詩料還應在上頭

前題

郡人劉彪

建水州志

卷之十三 詩

三

點點青峯過客遊到來風雨正新秋  
深林落葉排香徑疎竹寒花護石樓  
逸韻偶從清磬得間心欲傍白雲休  
禪房一夕空山靜獨有溪聲屋角頭

前題

熊正鼎

山靈有約任君遊況直黃花滿目秋  
風雨半天寒擁樹崖溪幾處暗吞樓  
筇隨古徑雲窩滑梵響瑤宮客慮林  
自是塵心偏愛逸晚吟松下好科頭

前題

許申

策馬披山紀勝遊蕭蕭原野盡深秋  
閱身直上孤



峯頂青眼時登百尺樓  
雨色侵人天欲暮  
磬聲驚夢客難休  
塵勞暫借上方寂  
臥聽松風枕石頭

前題

楊中原

蒼巖白石快同遊  
一雨攜來萬壑秋  
烟靄上方迷寶樹  
雲橫紺殿聳層樓  
好山何處尋支遁  
佳句從前憶惠休  
爲愛泉聲瀉碧落  
不辭崎路到溪頭

前題

黃世憲

拚向山中學臥遊  
何妨蕭瑟動高秋  
偷閒暫作雲龍客  
了悟時登花雨樓  
嶺帶寒光青到頂  
風呼落

建水州志

卷之十二 詩

三

葉靜都休尋常村酒聊供醉  
共聽松聲響樹頭

前題

劉世長

二十餘年始再遊  
鳥啼深樹幾經秋  
撥開雲脚逢僧笠  
度盡松陰上佛樓  
門掩溪聲寥寂寂  
鐘敲人靜意休休  
山靈一夜催詩急  
時把空門寄筆頭

前題

劉三思 江南

曳屐尋山汗漫遊  
長空幾字雁橫秋  
高峯霧鎖雲堆樹  
峭壁松開客上樓  
抱膝挑燈情不厭  
飛觴說劍倦忘休  
興闕忽作非非想  
夜靜泉聲到枕頭



湖上堆雲雲潑墨羣峯塗抹失南北萬斛倒瀉水  
難量千頃迸開天不測似爾荷鋤卜有收阿誰舉  
網愁無得須臾又見日中升大地山河重起色

湖霽

積陰一掃雨初晴水不揚波萬頃平洗出湖山真  
面目放開雲物倍精神鏡光斜照魚龍舞練影長  
拖藻荇橫抖拽笠簑重整釣海天雲影共崢嶸

臨安懷古

提學 吳自肅

煥文積翠傍樓開倚檻能令客思哀衰草離離侵

建水州志

卷之十二 詩

二十七

義塚寒煙漠漠讀書臺烏麼地自元和闢建水名  
從苴厠來誰作當年三洞記臨風飛越幾徘徊

臨安懷古次吳克庵學使韻 丁 煇

响町舊國枕山開縱目憑高客思哀瘴草碧侵羣  
節墓野花紅暗撫蠻臺五邦地控交岡險三洞泉  
通瀘水來邊徼從前多謫宦景賢祠下幾徘徊

雲龍山真武宮登閣

亂峰環抱氣氤氳飛閣憑虛最出羣鳥道松杉千  
歲老鶴壇鐘磬半空聞被襟涼愛南薰爽踰髮情



看北戶雲日南有北戶縣便擬 簪從帝子駿虬同謁玉宸君

宸君

宿曲江

楊慎

曲江驛裏無燈燭殘月斜明覺夜深梁苑薄遊成  
滯迹并州客舍有歸音連營吹角鳴鳴起叩鼓持  
更統統沉三十從軍今六十何時西隱蜀山岑

巖洞

提舉何惠石屏人

萬壑透迤天際來歸墟近在白雲隈波通漲海暗  
吹霧谷轉盤渦盡起雷珠窟夜光搖砥柱石幢寒

建水州志

卷之十三 詩

三

影護仙臺風湍咫尺煙霞隔悵望碧桃花自開

秋夜宿樓上

寒巖高處宿深秋悵望遙空動客愁啼鳥按更山  
月缺殘燈映榻野螢流浮沉陸海雙蓬鬢咫尺銀  
河一釣舟便欲褰裳謝朋輩似聞笙鶴白雲頭

侯家箐白雲庵

王元翰

山空石磴足音無籟靜天空水自呼草蔓已封僧  
去處鳥聲旋避客來途塵心未淨鐘三杵秋色平  
分酒一壺起向嶺頭閒悵望白雲猶自挂蒼梧



建水州志卷之十二

賦

明

航海賦

郡人 蕭崇業

昫町癡人奉命中山之役戒艘於閩有鏡機子儼然造曰蓋聞甯俞竭身事主艱險不避人謂之愚汲黯數好直諫難惑以非史稱其戇吾觀若貌愉而和行通而慤匪愚匪戇何故名癡豈有說耶癡人良久不言乃筦爾而笑曰僕鄙野

建水州志

卷之十二

賦

一

之人僻陋無心何敢當二賢也顧郎之時事驗乎物情名亦有自來矣且夫乘人鬪捷智者相傾而任理直前則愚之所以優於械也隨俗脂膏愚者相和而秉德持閑則戇之所以不爲伎也茲者徼寵靈而航異域其孰敢違彼仳仳者避猶桎梏矇矇者坦若康莊詭蔓飾隙遠脫冥翔見幾之作我則未遑是以觀者訝其辯之不早衆故譏其癡而無量耳鏡機子爽然自失曰若可謂安義命而篤於自守者也癡何足病哉



書云若濟巨川用汝作舟楫又獨不聞犯斗之  
奇耶第時世日益澆已顧安所得槎也者而乘  
之若惟殫精畢力以造萬斛之舟意者其有濟  
乎於是癡人唯唯遂命工師求大木程之以有  
司督之以當路閱彼閩山礮危黝靄蓊蓊輪茵  
連抱菴轟天矯閑珂蔚若鄧林彌高麗阜蔭谷  
蟠岑攢鬱叢駢朗晝旰暝尊磊磊其上覆森落  
落而刺雲爾其考制掄材凌巒超壑移兵走檝  
滌藪摧鬻松樟採於劔之精鐵力貿於嶺之表

建水州志

卷之十二

賦

二

鉅不厭修細罔遺小是斷是遷載堅載好凡旣  
備矣大工斯肇於是覽易爻思象旨儀工倅法  
虞姁考日力之程較費務之紀問軼事於故游  
鳩力人以經始離朱督繩班輪削墨殊材潤之  
失宜概稽考於往牒定豐約以執中酌文質以  
立則雕土豈效之務相窾木用擴乎古哲爲梁  
遠陋夫絳襜涉川無取於瑤檝扛艦參桅交籬  
合巢穴牖梯艫副枕重底飛廬翟室望之如宇  
其上則有形宮鏤像藻櫺華榱琤函綺櫝睿製



瓊章錫衣命服皮弁纁裳玄冠盞綬玉珮鏘鏘  
犀金麟紫芾烏斯皇繫總水紈緯羅束帛連煙  
之文獨繭之色凡夫取竭天產發輸人迹爲九  
賦之所歛九式之所節者是用傳宣乎會極之  
門遠頒乎來王之國其次則有文旒莞莠毛蓆  
毳毼餅缶七匙壽光水器蘭膏朱火賁燭金羊  
炊釜篋緘彝鹵屏面甌陶素裘繡編連監酪  
豉薪唾壺獸子綢杠絳繆組帷流蘇倩旆飈悠  
以容裔羽旌騷殺其紛如材官畜用利械兼儲

建水州志

卷之三

賦

三

修鍛延鏃銛戈刺及佛郎鳥嘴陽彝勃盧大屈  
之弓綦受之矢谿子之弩越女之劍龜蛇之旅  
鳥隼之旗軍容翼翼豫戒不虞若乃弘舸巨艦  
非常可模抗指南之曄曄崇五樓之崢嶸運貨  
狄共鼓之巧旣盡變化乎其中是故外濶內虛  
大人之度也陽行陰翕方壺之境也畫鷁琢雲  
等威異也虬螭螭蜿橈櫓擊也鷹隼集矚力士  
從也嶠萃峯攢檠戟列也鳶翔鶻逸麾蓋張也  
蔽天翳日帆揚而幔移也流霞掣電銀黃飾而



赭漆光也震霆轟輦鉦音革響也舞鸞律鸞韻  
鳥部蛙鈞天角抵續紛錯集者侏倆薄技散襟  
期也若乃推驗天人審測風日星醫卜算羽祝  
庖丁匠氏縫工調人司牧象胥掌牙篆鏤丹青  
與夫吳歛蔡謳阮詭孫唵曹詩劉飲秋奕嵇琴  
陶泓毛穎陳玄楮生儼然數客述古刪今以至  
解難之丸杯時之射棘猿之術雕龍之英靡不  
廣詢博取競爽據能爾其大雖謝於馳馬制寶  
邁於采菱庶幾御長風以利往責千里於寸陰

建水州志

卷之十三

賦

四

乃若梁麗晉舶越舩蜀舫沙棠木蘭之稱青翰  
三翼之名方斯莪矣於是遴長年齊三老命先  
期以諏辰輒開舟而出塢士庶佇貽觀者如堵  
冠裳雜遝紛餞於祖道魚須負矢弩會侯亭循  
舊矩割獻鱸羞膳脯酌醴酬觴鳴金伐鼓揮絲  
鏡肉移宮換羽歡溢廝輿禮殷客主僕馬輻輳  
譬風行雨散巒穆於南臺之滸爾乃揖讓辭筵  
慷慨升車祀天如於广石初縱菁於梅花臨萬  
頃之膠瀉杳莫窺其津涯覘五兩以爲表指六



合以爲家伏皇風之遠庇託靈胥而自誇遂竦  
節而結旅忽輕舉以征遐高宇淡乎其若寂大  
塊恬然其不諱映流光以霽色照落景而俱佳  
窮區沒渚而不見萬里藏岸其何遮泓澳信難  
測之於蠡淼茫無足語之於鼃爾乃順颺鼓帆  
凌波驟舳不行而罔不至不疾而罔不速罔然  
若翔雲絕嶺之翼倏乎如馳隙遺風之足陋登  
仙以矜榮儻乘槎而彷彿此非海外之壯遊人  
世之奇曷也耶若乃陽侯磅礴以跳沫天吳激

搏而鼓濤飛滂涓漣以相瀉洪瀾芻芻而互消  
轉天輪而頽戾迴地軸而爭撓駸駸乎嵩衡抗  
縱礧錯乎雷澍呌號淄淄法法則星何似覆漈  
激溟溟則日月如搖篙工於是乎謹柁楫師於  
是乎弛綯當此之際未可如何雖馮虛以御風  
兮境非赤壁縱遺世而獨立兮心異東坡有時  
乎悚懼戰怖無日乎爽曠婆娑悅千態以萬狀  
休談笑而起戈須臾久於年歲瞬息慮乎風波  
有車馬行公無渡河由斯以談則知郭景純之



所賦者特泊泊之見未習夫江漢之委輸也木  
玄虛之所云者乃想像之言猶未覩夫灑灑之  
實際也故嘗嗟徐衍之負石怪精衛之塞溟壯  
荆飛擒蛟而成氣賢夏禹旣龍其弗驚若乃陳  
茂拔劍事偶然耳海童邀路其誰忘情夫是以  
仰舟中主敬之程子快遇風思過之管寧坐而  
待旦動與俱并行無轍迹心無所憑鬱鬱墨墨  
兮衆心愒愒搖搖惺惺兮我頭岑岑逡巡數日  
乃如達於其境於是世子率領文武臣駕彫輅

建水州志

卷之十一

賦

六

驂驪駟坐組甲建旂常扈鳥號翹千將羽騎飛  
鎡金戈耀鉉旌結左言之渠鏤膺鑽髮之行羈  
羸驚捷舞蹈趨踰前驅騁路盱眸自旁觀漢官  
之上儀咸鞞哈以振踴慶千載之嘉會愈色澤  
而神竦亦有靡聞不來無見不拱周環羅列盤  
辟舉踵於是盛禮興樂供帳設乎皇華之庭夙  
戒具而贊典紛呼嵩以祝齡傑侏堯離於焉俱  
集四彝迭奏昭德之馨爾其尙之以金章加之  
以元服戴纚垂纓拖綬鳴玉變彼國之陋風襲



中原之芳躅御纂組於公庭告先公於祠屋追  
養之禮殫受終之儀肅齊虎拜於部彝稱霞觴  
於宗族然後捧綸章留琳牘奎翰輝煌寶書靈  
煜爾乃稽首頓首颺言曰明明天子萬壽無疆  
者也於是命膳夫以大饗爰致敬於佞臣滌濯  
孔加禮儀振振載之以醪醑設之以豆登豐之  
以粢餼介之以芳芬館舍之所問候緝御之所  
類仍佳勝之所賞玩筐篚之所錯陳淹藻景於  
二肘篤鄰好而常新卻褻蹠之厚餽堅不辱於

建水州志

卷之三

賦

七

遠人爾其鉅典既畢涉冬始歸瀟滉浮空旋所  
如之傷心極目裹望僭迫風帷兮寒削月帳兮  
妻嚴慕立英兮換節迅金素兮迎年狂澗迴兮  
漸以遠駕飛航兮俄還安危值於所遇變幻殊  
乎目前而出次履順殆有鼓歡聲而振天者矣  
緬維鄉之所謂神蘂形茹股并背芒惴惴然而  
莫之其所營者果虛耶實耶抑虛者舟耶實者  
我耶誰虛誰實誰我誰舟蓋譬猶空中之態夢  
中之境物物皆遊物物皆觀耳彼有認水爲海



認陸爲岸乃至認我爲我宰相角逐而不已者  
得無障乎於是聞之耆老士大夫縉紳先生之  
徒罔不掀顏慰勞深嘉其獲終王命以爲邦國  
重也是時鏡機子亦在賀中顧獨出席盱衡而  
詰曰猗歟偉哉癡人固能蹈海哉昔者子路喜  
浮海之從聖人抑其好勇廣德執乘船之諫賢  
主嘉其直言禍福所何幾希之間此招賈之文  
誦者悚焉若幸免於風波之危而克如期以竣  
事也詎非有相之道歟第嘗聞之識治體者在

建水州志

卷之十三

賦

八

修文德以服遠尊中國者不割齊民以附彝茲  
緣蕞爾之小邦而乃奉先人遺體冀倖魚龍之  
牙吻徒取彼重蒙竊惑焉癡人撫然有問曰客  
故習夫絀議乎倘若所喻適足以明其闇於前  
而掇乎瑣膠拘剪之忌而未覩其詆諧者矣何  
則忘九隩之藩屏而不以邊陲爲襟帶者乃曲  
士之井闕也偷持祿之苟安而蹉齷以避險崎  
者非達士之壯觀也古之帝王陋偏據而規小  
恒宅中而圖太掩畧八極靡國弗營旣尊居乎



神州之卓犖尤勤驚於海山之外氓北出名師  
南馳信使輜車朱軒絡繹不絕樓船戈舫紛沓  
旁午然皆弗克遺顯號於後世傳土地於子孫  
方今聖明在宥威德房皇九域密如四封不聳  
邊絕之黨冠帶之偏樂貢効費者蓋以億計琉  
球霑濡浸潤歷年滋多其奮濯泥滓比埒箕子  
之邦豈猶夫鳥滸狼脰屠婆縛婦奇肱反漆之  
花交脛長臂之種可同年而語哉客倘願聞若  
說請爲左右揚摧而陳之夫琉球者上古所不

建水州志

卷之十一

賦

九

能化秦漢所不能從考之四陬則大荒之外測  
其封界則閩粵之東遠望蓬桑則矐靈晰逸蜃  
霧晦蒙琴高影響而幻化犢配綽容以昌容旁  
睇島彝則朝鮮網絡越裳蔓引淳泥迢遞以乖  
閔蘇綠牢羅以互亘其苑囿則儗峯幽嶼秀起  
特出嵯峨降屈中州所慕其草木則石帆鳳尾  
紫絳綸組抗莖敷萼布護高丘其魚則有吞弁  
吐浪擁劔琵琶蜂目豺口狸斑雉軀奇形殊類  
胡可勝圖其蟲獸則雄離鬣鼈王玃海月繡螺



綺貝土肉石華詭桀出錄環異無書其禽鳥則  
爰居避風大鵬垂天英眸縹翠瀑瀼灑珠往來  
喧聒集若霞鋪其宮室則木無雕鏤土僅白盛  
重闈連闥去太去甚歡會作門漏刻聽政殿曰  
奉神名義斯正乃設官僚授之以柄察度司刑  
耳目司問王親是崇亦有賜姓通事長史爰以  
將命范范羣醜此焉則勝海濱之風茲亦等競  
是故賦傲井田曆尊正朔橫盜無斬關之慘墨  
吏免椎膚之虐攘雜何有於軻書捕蛇不聞於

建水州志

卷之三

賦

十

柳說則閭閻樂業有餘嬉也醇醲馴致憲度漸  
陳教亦崇乎釋氏詩頗效乎唐人羨聲名而遣  
學精奕數而絕倫歲時無須於視草觸體豈聚  
於王城則傳誌綿邈自覆瓿也物貢所產器貢  
刀鉤胡椒蘇木硫磺怪石降香櫂子豐苞重驛  
望日而趨問載而至則尉佗倨傲不足云也邇  
者東鯤卽序西傾順軌交南懷化漠北跂指織  
路駢衢梯山楫水獻名琛於殊鄰出瑰琰於冥  
壘糞積壤崇厲赴岔舉而稱臣入侍之輩相與



充斥乎藁街之邸天子於是引王者之無外撫  
萬國之一家命鞮鞻以掌音設鞞什之舞曲以  
娛五戎之君以睦八荒之屬駕長策於名爽廣  
博施於疏逖常武緝嘽嘽之旅小戎埋麟麟之  
迹三五爲之踳躐八九爲之韜軼偵符之所備  
兆鴻鉅之所爲奕今在於此矣然則琉球雖遠  
豈其得而弃之四牡雖勞又惡可以已之且夫  
兼容并包者英辟之弘畧也布德宣譽者臣子  
之急務也故漢皇馳域外之議博望不辭勩於

建水州志

卷之十

賦

十

月底隋帝採殊方之俗朱寬久銜使於海國值  
斯之勤農夫輟輾紅女寢機土馬劓吮鋌而癡  
耆老弱傷嚴鏃而蹂踐遐氓爲之震竦黔首蒙  
彼其難而邪行橫作侵犯邊境者猶不可殫紀  
矧朝廷純茂彝夏熙恬遊原於邇陬泳沫於迥  
澗寰海之外有不喁喁嚮慕中國者則鮫人竊  
嗤之爲士而不稱引帝德如之何其不叫呼於  
芸夫且僕以汎剽之若幹何郅隆之倬典方謂  
無異螳螂之臂客柰何獨以宗元之招賈者懼



懼然相恐也於是鏡機子柔氣汗辭而謝曰斯  
事體大固膚淺所不能備者也降階捧手欲讓  
而行癡人曰復位僕授而以航海之詩其辭曰

於皇帝德

暨四方兮

中山靖命

厥惟常兮

天子曰俞

爾宜王兮

錫以弁冕

黼乃裳兮

赫赫詔勅

使臣將兮

布帆無恙

神所襄兮

一人有慶

率土康兮

本支百世

熾而昌兮

建水州志

卷之十

賦

十



國朝

日月合璧五星連珠賦

有序

臣

鄂爾泰

雍正三年二月庚午司天氏奏稱日月合璧以同明五星連珠而共貫宿躔營室之次位當歟訾之宮爲從來未有之瑞諸王大臣請陞殿慶賀

上辭弗許惟念臨御二載遽覩此嘉祥皆由

聖祖仁皇帝所致爰遣各官祭告

景陵并付史館頒示中外與臣民共慶之臣乃聞而

建水州志

卷之三

賦

三

稽首颺言爲序其事曰日月五星者天之光華也人君德動天鑒則日月五星各効其靈傳曰至德之明日月若連璧又曰至德之萌五星若貫珠五星所聚有德受慶四海昭理中外安寧子孫蕃昌此其占也而營室之宿其位在亥主乎宮廟星明則昌歟訾者則日月所會之辰在亥曰歟訾爾雅所謂歟訾之口營室東璧是也攷其分野則司馬遷以爲在冀并之域班固以爲在燕代之間今我



皇上聖德光輝瑞應所徵上之格乎

祖宗宮廟之地而下之周乎畿輔遠近之區臣謹博稽典籍凡經史所載以逮諸子百家天文讖緯之書衆矣其言歷代五星之瑞者蓋詳至若合璧連珠同聚一方雖知其爲非常之應而三皇旣邈後世無聞惟宋書有之日帝堯在位七十載景星若翼日月若合璧五星如連珠乃歸功於舜由此觀之豈非以二帝相繼光華所萃若合若連與天地同符之明驗哉顧其事不見於

建水州志

卷之十三

賦

西

虞書而紀於二千餘年之後此必得之孔子刪書之餘信而可徵然後載之正史豈諸家雜說比乎我

皇上以聖繼聖正如舜之紹堯此重華復旦在見今茲矣

聖祖仁皇帝在位六十餘年卽帝堯之七十載也我皇上御極以來於今三載正舜之格於文祖之日也

聖祖仁皇帝神聖文武廣運無方成功文章巍煥已



極是千古以來又一堯也我  
皇上明目達聰庶績咸凝光天之下及於海隅是  
千古以來又一舜也是以太和之氣上應天心  
而徵乎天象豈偶然者哉夫自古帝王雖明君  
賢主凡於祈祥符瑞之事苟獲一器一物如白  
麟寶鼎神雀五鳳甘露黃龍之屬方且登太山  
禪梁父大赦改元賜爵紀勳甚至作書以示瑞  
矧夫日月五星之光昭昭離離爲四海九州之  
所同照而共仰者乎我

建水州志

卷之十一

賦

五

皇上乃恬澹無爲謙謙弗居皆以功德上之

聖祖仁皇帝而已不與豈不巍巍乎大哉臣於是伏  
而思之德動天鑒至誠也頌揚先烈至孝也

景陵告祥至敬也宣示史館至信也敷錫臣民至仁  
也慶賞不行至謙也登封不事至明也不矜不  
伐修德不怠至健也卽此一舉我

皇上深沉之德其足比美於舜者固已至矣况乎  
萬幾之勅其所以承天命而永天休者又將奚  
極也爲臣子者幸生堯舜之世得以依日月之



光華覩星辰之爛縵其何以孜孜贊贊黼黻休  
明以覆冒於照臨之中也哉不揆膚陋敬援筆  
而爲之賦云

龍飛御極之三載鳳曆司春之初吉

二月朔  
爲初吉用告

瑞於今宵遂呈休於翼日夜未半而鶉火之象  
方昭天將旦而燧訾之光忽霽

聖德上矗乎紫霄嘉祥畢聚於營室三曜同明而  
共麗宛如合璧之雙懸五緯共貫以偕躋儼似  
連珠之竝絳邈自三皇肇闢七政煥發雖符瑞

建水州志

卷之十一

賦

六

之多端欲徵信而咸闕逮及顓頊之時爰有曆  
宗可核亦僅紀異於五星未聞効靈於日月稽  
諸正史惟一見於堯舜之迭興譜其休祥又豈  
獨爲漢唐之莫越若夫五星之瑞歷代先合或  
井婁之次同躔或奎璧之垣共踏上自殷周而  
徵驗多淆下迄宋元而傳聞亦雜欲如珠璧之  
共立曾不能彷彿其二三但若星宿之薦禱何  
難宗覈其甘州爾乃

帝德誕敷



主心無斃紹

世祖之不基纘

仁皇之懿迹大業更美於

先朝鴻麻增光於在昔播膏澤於荒陬洋湛恩於遐

僻無一夫之顛連登九有於衽席思

王度而式玉式金說

聖學而如圭如璧比欽明於唐代洵莫測其高深

擬精一於虞廷無由窺其罅隙於是超帝邁王

登三咸五至德協乎天心仁風翔乎下土瑞靄

建水州志

卷之十一

賦

七

益溢於層霄光輝照徹於寰宇金鳥玉兔感二  
氣之華而同升太歲長庚率五行之精而駢聚  
見夫璇璣告吉儀象呈靈天樞啓其鑰清都闢  
其扃開祥光於閭闔覩瑞色於蒼冥九闕顯其  
昭灼萬彙仰其晶熒非僅兩可重輪之異遠勝  
三台五老之星映於萬川如珪璋之可握燭乎  
四岳似球琳之作屏誠以誠能感神德可動天  
以氤以氲非霧非煙萃光華於二五現氣象之  
萬千或離離而竝照或纍纍而如連挹其澄鮮



溥天爲之加麗瞻彼璀璨大地於以生妍於戲  
非甚盛德曷至嘉符中天而外亘古所無方之  
勳華而寧讓號曰雍熙而非誣賡颺莫罄其形  
容衢謠難喻其歡呼求諸千聖百王而罕儔誰  
能媲美其魏煥垂之億齡萬禩而彌耀得不上  
續夫典謨

建水州志

卷之三 賦

六

